

AD  
Amplissimos simul & Consultissimos Viros,

SOCIETATIS  
SCOTICANÆ

AD  
AFROS & INDOS  
NEGOTIANTIIUM

Rectores & Administratores  
ÆQUISSIMOS, &c.



**E**IA age veliferas nunc instrue, SCOTIA, puppes  
Ut vastum introeas pelagus, gentesque remotas  
Classe novâ invisas, peregrino ut littore merces  
Advectæ nostris tuto exponantur in oris,  
Civibus unde tuis accrescat resque decusque,

Et clarum referant ventura in sæcula nomen.

Hactenus externis longinqui in partibus orbis

Nulla parata satis fuit ad commercia classis:

Nunc verò postquam liquidi trans æquora ponti

Tutum iter atque parens datur ad commercia vestris

Navibus, & nummus non deficit unde parentur

Omnia

Arch Bodl. A.  
IV. 9.

Omnia quæ tantis videantur idonea cæptis,  
 Scotia florebis ( nisi vanum decipit omen )  
 Divitijs cumulata novis quas Africa mitter  
 Fertilis, & fuscis quæ portabuntur ab *Indis*.  
 Ne tibi pauperiem post audeat *Anglia* demens  
 Objectare, opibus solis & classe superbâ  
 Te prior. At Bello *Scotorum* mascula virtus  
 Ante alias gentes longè præluxit avitis  
 Temporibus, nec adhuc *Scotorum* gloria marcer.  
*Græmos* invictos taceo, & sine compare *Vallam*,  
*Duglassosque* acres genus insuperabile Bello.  
 Quorum tantus erat duro in discrimine Martis  
 Terror, ut ipsorum vel nomen pænè fugaret  
 Attonitos hostes, trepidosq; excedere pugna  
 Cogeret, agna lupum veluti fugit atq; leonem.  
 Hic memorare queam quo pacto *Brussius* ingens  
 Concudit *Edwardum* numeroſo milite fretum;  
 Exiguâq; manu citò vertere terga cogit,  
 Cujus adhuc testis locuples est *Banocus Annis*.  
 Nec celebranda minus nostrorum est fervida Virtus  
 Navali in pugna. Docet hoc clarissimus olim  
*Andreas Vodius* seu *Silvius* inclyrus armis,  
 Qui quinq; Anglorum naves in littore *Portbe*  
 Cuncta infestantes, prædonum more, duobus  
 Navigiis tantum adjutus, devicit, & omnes  
 Perduxit captas *Letham*; Regiq; Magistros  
 Obtulit ipsarum. Cui præmia larga dabantur  
 Protinus, ut Regem decuit civemq; merentem.  
 Qui tristis rumor postquam pervenit ad aures  
*Henrici Anglorum* Regis, maculamq; pudendam  
 Nominis hanc Angli deletam exposceret, ad se  
 Ipse suæ classis Præfectos convocat omnes.  
 Expositoque palàm quàm foedum dedecus esset  
 Quinque suas naves Regali è classe, duabus

*Scotorum* à ratibus longèque minoribus, esse  
 Devictas simul & captas: Ita turbidus infit.  
 Si qua, viri fortes, vobis arrecta cupido est  
 Infamem delere notam quam *Silvius* iste  
 Exultans animi nobis modò *Scotus* inussit;  
 Maesti estote animis, naves præbebo paratas,  
 Instructamque manum tumidum quæ conerant hostem.  
 Quem quicumque mihi vivum cæsumve reportet  
 Magnus erit nobis, spoliisque ornatus abibit.  
 Hæc ubi fatus erat tenuère silentia cuncti,  
 Attonitisque hælere animis, bellumque recusant.  
 Tantum nempe injecit terrorem *Silvius* istis.  
 At *Stephanus Bullus* præstanti pectore & ausis  
 Et generosus Eques rem suscipit. Et simul illi  
 Tres validæ naves à Principe dantur, in omni  
 Re pulchrè instructæ, nautisque & milite forti  
 Armata rectaque ad *Fortham* navigat, illic  
 Sub Maiam opperiens, tutâ in statione, rediret  
 Donec ab externis (ubi erat tunc) *Silvius* oris.  
 Post paucos redit ille dies, visusque repente  
 Agnitus à *Bullo* est. Præfectus & alterutrinque  
 Se parat ad pugnam velut in certamina tauri  
 Concurrunt, totis in Martem viribus itur.  
 Acer & exoritur conflictus utrinque, nitentem  
 Donec cæca diem tenebris nox condidit atris.  
 Ut primum lux alma data est, spe plenus uterque  
 Ductor init pugnam, & cupide nova prælia miscet.  
 Sic certamen atrox multo cum sanguine surgit.  
 Stat ferro conferta acies, pugnatur ab illis  
 Tanto ardore animi vix quanto exercitus ullus.  
 Donec ad extremum validus se dedere *Bullus*  
 Cogitur, & nostro cessit victoria *Scoto*.  
 Ardua tum *Silvi* magnis super æthera virtus  
 Laudibus evehitur, meritoque ornatur honore.

Tanta sed emicuit tum magnificentia nostri  
 Principis, ut *Bullum* pulchrâ virtute decorum,  
 Præfectosque alios, una cum navibus ipsis,  
 Captivosque domum incolumes dimiserit omnes.  
 Quippe suos non de prædâ certamen inire,  
 Sed decus ob gentis stricto decernere ferro,  
 Virtutemque sibi ostendit vel in hoste probari.  
 Jam geritur bellum collectis viribus amplis  
 Adversus Gallum magnum invictumque Monarcham.  
 Quis quæso illius tantum furialibus ausis  
 Obstat, ut agrestes homines quos *Scotia* nutrit  
 Intrepidi contra ferrumque ignesque ruentes?  
 His primum muros conscendere, cominus hosti  
 Occursare datur, cuncta atque subire pericla.  
 Et sicut verè *Nostros* "Sine milite *Scoto*  
 "Nulla unquam *Francis* fuit victoria castris.  
 Sic etiam adversus *Francos* sine milite *Scoto*  
 Nulla unquam *Flandris* fulgebit gloria castris.

Sed quo Musa ruis? tibi mercatura fuisset?  
 Hic laudanda, feri non arma tremenda *Gradivæ*  
 Nunc cane, quid lucri, quot quantaq; commoda genti  
 Accessura putes, vel mercatoribus ipsis  
 Quorum operâ hæc tanto geritur res magna labore?  
 Quicquid apud nos est quod vendi possit ad illos  
 Exportetur, uti redeat cum sænore certo  
 Pro ferro, argentum; pro plumbo, æs nobile & aurum.  
 Quare operi artifices vos læti accingite cuncti  
 Nulla manus cesset, corrumpunt otia pigros.  
 Grande laboris erit pretium. Fabricanda colonis  
 Instrumenta omnis generis sunt rastra, ligones,  
 Martæ, rutæ, & serræ, tudites, terebella, secures,  
 Forficulæ, cultri, limæ, validæque bipennes,  
 Cum panè innumeris quorum vel maximus usus.



Plurima vasa itidem, cacabi, caldaria, & ollæ,  
 Candelabra, trux, pateræ, mortaria, trullæ,  
 Et quæcunque domûs nitidæ solet esse supellex.  
 Porro enses, sicæ, tormenta boantia cælo,  
 Sælopera, ac glandes, catapultæ, Martis & arma  
 Cætera, quæ vestris vim pellant navibus omnem.  
 Nec parvos referet vobis piscatio fructus.  
 Addent & quæstum tum pannus lineus atque  
 Laneus; & vestes jam factæ pallia, lenæ,  
 Calceoli, caligæ, chirothecæ, pilea, pallæ.  
 Ex quibus & multis aliis tot commoda genti  
 Provenient, quot adhuc non unquam *Scotia* vidit.

Jam memoranda tibi venit importatio vasta  
 Quam referent puppes cunctis ex partibus orbis.  
 Scilicet albentes baccas fulgore micantes,  
 Sericum, ebur, gemmas, argenti, pondera & auri,  
 Saccharum, & Attalicas vestes, pictosque tapetas,  
 Balsama, odora, oleum, fragrantia aromata quæque,  
 Unguenta, ac succos, & ligna medentibus apra.  
 Gossipium, & varios fructus, generosæque pæti  
 Munera, vim fæsis roburque serentia membris,  
 Mensarumque decus præstantia dona *Lyæi*.  
 Multaque præterea Quæ si comprehendere coner  
 Carmine, nulla dies tanto foret æqua labori.  
 Quando igitur tantos liceat decerpere fructus  
 Mercibus ex illis, Quid non sperare queamus  
 Sub tantorum hominum auspiciis, ratione sagaci  
 Qui præclarum opus hoc perfectè absolvere norunt?

Jam verò tempus monet, Ingeniosa Propago,  
 Inclyta ut ore feram vestrarum encomia laudum,  
 Quæis curæ est patriæ lucem superaddere vestræ,  
 Splendoremque simul; quò *Scotia* surgat avita  
 (Hucusque à Fatis nimium depressa sinistris)

Florida & aucta opibus, nomenque ad sidera tollat.  
 Pergite, felices animæ, confurget Olympo  
 Laus vestra, & sæclis decus addet grande futuris.  
 Et quantò possint majora pericla videri  
 (Siqua subesse queant) tantò est audentius illis  
 Contra obnitendum: Vim vi nam pellere pulchrum est.  
 Sed quid ego hæc memorem? via tuta & trita patebit.  
 Publica namque fides confirmat cuncta futura  
 Integra, & immunes à censu omnique tributo  
 Declarat socios vestros septem ter in annos;  
 Quo spatio immensas gazas cumulare licebit.  
 Non bello sedes quærendæ, aut tristibus armis;  
 Mercibus at merces mutandæ, aut ære soluto.  
 Piratis liceat miseros excindere ferro  
 Indigenas, furum & de more, asuescere rapto.  
 At vos, Ingeniosa Cohors, vestrosque colonos  
 Sors melior manet, & successum sidera spondent.  
 Quos Deus incolumes longæva in sæcula seruet.

*Sic Optat & Orat,*

*Amplissimæ Societatis vestræ*

*Addictissimus Cliens,*

*Gualterus Dennefton.*

*Nomina*



Nomina Navium ad hanc Expeditionem  
fabricatarum.

1. *ORIENS SOL.*

**P**Hœbus ut *Eois* surgens pulcherrimus undis  
Irradiat terras postea luce sua :  
Sic ego longinquas terras, duce numine, visam;  
Et mox in magna luce redibo domum.

2. *CALEDONIA.*

**P**Rima Caledoniis feror huc feliciter oris,  
Multa Caledoniis omnia læta ferens.  
Nam maris indomiti furias, Christo auspice, vincam,  
Et grandi cives merce beabo meos.

3. *SANCTUS ANDRÆAS.*

**S**anctus ut *Andræas* ex piscatore pusillo  
Præco Evangelii postea summus erat:  
Sic ego cum populo externo commercia tractans,  
Rem nostris, illis dogmata sacra feram.

4. *MONOCEROS* sive *UNICORNIS.*

**U**T fera pulchra sua cornu mirabile gestans  
Fronte, hostem validis viribus usq; ferit,  
Præbet & antidotum contra lethale venenum :  
Sic mea vis hostes peller, amica bonis.

5. *RUBER LEO.*

**N**E frustra hunc titulum dederit mihi *Scotia* faxim ;  
Nam Leo ut obstantes diripit ore feras,  
Sic ego pugnacem contundam viribus hostem,  
Cessuro at veniam sponte lubensq; dabo.

6. *CAR.*

6. CARDUUS.

**C**arduus ut spinis horrendus surgit acutis,  
Agra tamen medica corpora sanat opes.  
Efficiam pariter ne quis me impune laceffat  
Viribus: at miseris semper amicus ero.

7. DELPHINUS.

**P**iscibus ut delphis nando praei omnibus unus  
Ocius & telo per mare carpit iter.  
Præpete sic cursu vada circa sinusque pererrans  
Mox ego monstrabo tuta & iniqua loca.

8. CONATUS.

**Q**uid non conabor? quæ non discrimina lator  
Quævis, quævis rite iuvare meo.  
Namque favente Deo per summa pericula pergam  
Ipsæ illuc nostris nuncia læta ferens.

VOTUM.

**E**cce iam clavis nova Sollicitas  
Anchoras solvit, levibusque ventis  
Vela dat lætis avibus, remota in

Littora tendens.

**Æ**olus vastæ dominator aulae  
Prosperis ventis vehat, & secundo  
Amne per pontum ferat ipse Nereus

Rector aquarum.

**F**ausa jam læto pueri & puellæ  
Accinant plausu, & fremitu secundo:  
Et senes parci saliant videntes

Classem absentem.

**V**ota nec cessent Deus ut benigno  
Numine hanc afflet, reducemque nostris  
Mercibus plenam, procul à periculis,

Sistat in oris.

E N I S.



